



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Dissertationes De Actibus Humanis**

**Karchne, Simon**

**Augustæ Vindelicorum & Græcensis, 1716**

Articulus IV. Corollaria practica ex doctrina præcedentis Articuli.

**urn:nbn:de:hbz:466:1-39981**



## ARTICULUS. IV.

### Corollaria practica ex doctrina præcedentis Articuli.

294. Corollar. 1. Generalem continens Regulam, ex qua plurimi conscientiae casus decidi possunt: nullus consensus blanditiis, & suasionibus, precibusve extortus, invalidat contractum, nec tenetur restituere vi contractus accepta is, qui blanditiis extorsit eum (si forte ex eo consensio aliquod damnum est passus) modò fraus, & dolus absint, aut nisi blanditiæ sint à persona, quæ si contemnatur, periculum est, ne blanditiæ convertat in odium, & gravem injuriam, quia tunc blanditiæ gerunt vices metus, inquit Marin de Attib. *Hum. D. 4, n. 19.*

Ratio primæ partis Regulæ est, quod blanditiæ &c. non minuant sed augeant voluntarium, nec tollant libertatem ad oppositum; nec lèdant jus ullum consentientis, & ideo est nulla obligatio restituendi acquisita blanditiis. Econtra dum fraus, & dolus intervenit, injuria infertur, & ideo est obligatio restituendi, fraude, aut dolo, secus blanditiis acquisita, nisi, uti in fine regulæ dicitur, blanditiæ gerant vices metus, hic enim injustus semper saltem gravis lèdit jus alterius, & ideo omnis contractus ex gravi injusto metu initus, est aut irritus, aut irritabilis, Amic. de Attib. *Hum. D. 1, num. 151.*

R. P. Karch. Diff.

295. Corollar. 2.<sup>1</sup> Concupiscen-  
tiam latè sumptam per *num. 288.* minue-  
re peccatum, quia minuit libertatem,  
imò si prævertat omnem usum rationis,  
uti non raro contingit in agitato vehe-  
mente irâ nullum est peccatum, uti sit in  
motibus primò primis; hi si sunt sensua-  
les, id est actus appetitus sensitivi, antecedunt omnem usum rationis, & con-  
fensem voluntatis; si autem sunt rationa-  
les, id est, procedentes à voluntate,  
elicuntur ab hac directa per advertenti-  
am rationis aliquam & insufficientem ad  
peccatum, ut si non advertatur ulla-  
nus ad malitiam Valsq. *1. 2, D. 360:*  
*num. 23. & D. 39. num. 19.*

Limita Corollar. Nempe id intel-  
ligendum de concupiscentia non libera,  
si enim in se libera sit, uti est consequens  
per *num. 288.* tunc peccatum ex ea  
consequens, et si non sit tam liberum, &  
imputabile, quād si abesset concupi-  
scentia, est tamen imputabile in se, &  
in causa, & sic erit æquè malum, ac si  
non oriretur ex concupiscentia. Imò  
potest esse gravius, ita Herinx *hic D. 1,*  
*num. 25.* nam sponte excitata licet phy-  
sicè minuat libertatem propriam actus in-  
de subsequentis, respectu cuius est antecedens, non tamen minuit malitiam,  
talis enim non censetur ex passione, sed

Ff

po-

potius ex malitia peccare, liberè enim excitata indicat magnam peccandi libidinem, adeoque intense fertur in passionem, ac hinc sequentem actum in ea prævisum, secùs si passio sequens unum actum non sit prævisa.

Corollar. 3. Facilius relaxari jura menta, vel vota facta tempore prædominantis passionis propter defectum perfectæ libertatis, Sanch. lib. 4. Decal. cap. 45. num. 27.

Corollar. 4. Testamentum in favorem uxoris factum à marito blanditiis uxoris allecto valere tradit Sanch. ex communi Juristarum, & Theolog. lib. 4. de Matr. D. 11. num. 2. contra Cajetanum 2. 2 q. 32. a. 7. in fin. & in summa Verb. Restitutio post. cap. 8.

Corollar. 5. Meretrices ultra stipendum debitum blanditiis extorquentes, eti fraude dicant, se perditè amare complicem, deobligari restituere, quia fraus hæc nullum latet; secùs, si fraus non pateat, ut si fingat se à nullo cognitam, aut non nisi semel à magnate, ita cit. Sanch. approbatus à Pal. 10. 1. tr. 2. D. 1. p. 5. num. 4 Verùm existimo hanc etiam esse communem fraudem cum cit. Marin in fin.

297. Corollar. 6. Contractus initos spe consequendi aliquod bonum esse firmos, aut etiam Professionem Religiosam spe consequendi prælaturam; ac matrimonium cum Maria contractum ab eo, cui est promissa institutio hæredis, si eam duxerit, spes enim non minuit, sed auget voluntarium de matrimonio etiam tali est specialis Ratio, quod id contrahens non impellatur pœnâ amittendi lucrum,

ad quod habeat jus, quale omnino fore nullum, sed spe præmii indebiti, est enim conditio non cogens, sed alliciens. Pars prima Corollariorum est Navarr. tom. 2. de Regularib. num. 67, totum verò est cit. Pal. num. 3. de Matrimonio Sanch. lib. 1. de Matr. D. 33. num. 6. & 7.

Corollar. 7. Consuetudinem peccandi augere voluntarium, & minuere liberum. Ratio quia consuetudo peccandi est habitus comparatus ex frequenti tatis actibus concupiscentiæ, sed hæc auget voluntarium, & minuit liberum, ergo etiam consuetudo minuit libertatem, nempe in quantum minuit indifferenticiam inclinando voluntatem magis in unam partem, non tamen minuit moraliter, seu in ordine ad imputabilitatem, quia tunc sicut consuetudo est libera, & imputabilis, ita effectus ad eam secuti sunt imputabiles & liberi libertate causa, seu radicis, ut dictum est num. 295. in Limitatione tradita etiam à cit. Marin. num. 19. in princip. Raynaud. in Discipl. Mor. de concupiscentia. Sitamen consuetudo inquit Rayn. seu habitus retractus sit, & factus involuntarius per contrarium actum efficacem, & firmum propositum faciendi actus oppositos confuetudini, Deinceps consuetudo nondum eradicata non tantum minuit actionem libertatem, sed etiam culpam, quia consuetudo est quasi versa in naturam, & videtur esse quodam modo extra potestatem hominis non potentis eam tam cito vincere, ita Soarez 1. 2. D. 3. S. 4. num. 16.

\* \*

ARTI-